

Die Eikestadwinkel

(Edms.) Bpk.

PLEINSTR., STELLENBOSCH

VIR

- Deftige Mansklerasie
- Raket
- Northampton Mansskoene

DIE Matie

VILJOEN

se fietswinkel sal u fiets weer repareer. Bring dit net.

Dele is skaars maar ons doen nog ons bes.

ONTHOU — in Pleinstraat
Net langs Suikerbossie.

ORGaan VAN A.N.S.-TAK STELLENBOSSE STUDENTEKOERANT.

Gedruk deur Pro Ecclesia-
Drukkery en uitgegee deur
die A.N.S.-Tak Stellenbosch — 2080 — 5/8/43.

DEEL III, No. 18

VRYDAG, 6 AUGUSTUS 1943

PRYS 1d.

Studente Protesteer

„SWARTLYS-STELSEL”
MOET WEG!

Verlede Dinsdagmiddag is daar op 'n groot monstervergadering van studente in die Rekreasie-saal 'n mosie ingedien waarin van die Universiteits-owerhede beleefd versoek word om nie langer voort te gaan met die sogenaamde „SWART-LYS”-stelsel, waardeur studente wat geskors is of gewaarsku is se name in die publiek opgeplak word, nie.

Daar is in die loop van die bespreking aangetoon dat dit nie alleen 'n viktimisering van die betrokke studente is nie maar dat dit goed vergelyk met die strafmetodes van 'n skool. Deur sulke maatreëls langer toe te pas, is verder gesê, doen dit net meer skade as goed aan ons Universiteit. Daar is klem op gelê dat die vergadering dit nie het teen strafmaatreëls nie, maar wel teen hierdie metode van publikasie van name van die betrokke persone.

Na 'n taamlik verteenwoordigende bespreking is 'n amendement van mnr. Tinie de Kock op die mosie verwerp, en die mosie wat ingedien is deur mnr. Martin Louw, ondersteun deur mnr. Jan Smith, met een enkele teenstem, andersins eenparig aangenem.

Arbeidsdemonstrasie op Vakansiedag

O.B.-fondsdag met Sukses
Bekroon

Die jaarlikse verkoping en verjaarsdagfunksie van die Stellenboschse O.B.-Kommando's verlede Saterdag, het die mooi som van ± £600 opgebring. Al die verrigtinge was gekenmerk deur die byna spreekwoordelike geesdrif en samewerking wat op Brandwagfunksies so uitstaan.

ROMMEL!

'n Aansienlike gedeelte van die fonds is ingebring deur die handwerk-verkoping, wat vanjaar van besonder hoogstaande gehalte was. Dit was die produkte van gesamentlike arbeid veral van die Studentekommando, wat met hul nuwe buro van „Rommelerwerking” uit afvalmateriale nuttige en bruikbare artikels vervaardig het.

Die verrigtinge is Saterdagmiddag afgesluit met 'n interessante kermis wat groot byval gevind het onder die jongere geslag.

ARBEID ADEL

Tenslotte verdien 'n lofwaardige poging vermelding: Deels om die ou-Afrikaanse vakansiedag van die eerste Maandag in Augustus te repudieer deur arbeidsdiens, en deels om op

(Vervolg op bls. 4, kol. 1)

NA TWEE JAAR: 'N TERUGBLIK EN 'N UITDAGING

Dit is Ons Stryd: Waar Staan Julle?

Die *Matie* vier hierdie week sy tweede verjaarsdag. Hy kyk beskeie maar met 'n mate van trots terug oor die eerste twee jare van sy bestaan.

Die koms van *Die Matie* op 1 Augustus 1941 as studentenuusblad en mondstuk van die A.N.S.-front hier was vir die meeste Stellenbosse 'n verrassing. Vir baie wat hom van die begin af getrou gelees het was dit 'n blye teken dat die Stellenbosse A.N.S.-student se geduld met Stellenbosse vrydenkery op 'n end was. „Die *Matie* moet liberalisme” die grootste skelwoord op Stellenbosch maak,” het iemand dit raak uitgedruk.

Die *Matie* se stryd was dus 'n noodwendige. Want om 'n stryd te sry, daarvoor het hy gekom. Die stryd was vanaf die begin die *anti-liberalistiese*: vir die vereniging van ons volk en ons volkslewe, téén alle skeiding van terreine soos godsdiens, politiek, kultuur, e.d.m.; vir die lewensbeskouing van ons volk as geheel.

Almal weet vandag dat *Die Matie* sy stryd op Stellenbosch onverbidlik, met die krag van 'n geloof en sonder aansien van die persoon gevoer het in 'n studentegemeenskap waarin rigtingloosheid, beginselverwardheid en onverantwoordelike skrikwekkende afmetings aangeneem het.

Interdebat

Debatsver. U.S. vs.
Soc.-ver. U.S.

Môreand om 7.30 n.m. in die Huis-houdkundsalaal vind daar 'n Interdebat plaas tussen die Sociologiesevereniging van U.S. en die Debatsvereniging van U.S.

Die onderwerp: „Die Westerse beskawing is dekadent,” word ingelei deur mnr. Wicus Badenhorst en bygestaan deur mej. Stephanie Malan, albei sprekers vir die Sociologiese vereniging. Mnr. David v. d. Merwe en mej. Bettie Gericke tree as teenstanders op namens die Debatsvereniging.

'n Interessante bespreking word verwag en elkeen het 'n gulde geleentheid om sy of haar griewe teen die moderne beskawing te lug!

Almal hartlik welkom!

Dit was rondom die vaandel van *Die Matie* dat 'n verenigde, verantwoordelike en ordelike A.N.S.-front homself geskaar het. Dreigemente, beledigings, banmosies en wat nog alles was aan die orde van die dag — en soos mis voor die môre son het hul telkens weer spoorloos verdwyn. *Die Matie* kon die een oorwinning na die ander aanteken. Want die Idee deur hom verkondig het gekom om te seëvier. In verset teen die verbrokkeling van ons volkslewe; in die blye geloof in ons Goddelik-bepaalde volksbestemming en ons onvernietigbare organiese volksseenheid, in die Afrikaanse volksbestemming van die 20ste eeu as skepper en draer van ons Boerevolkstaat, en in ons lotsgebode arbeidsgemeenskap — dit is, in enkele woorde, die Idee waaraan ons in hierdie twee jare help bou het op die vaste fondament van gesag en verantwoordelike leierskap. En omdat ons nie wil agterbly in die tweede trek van ons volk nie, daarom staan ons vandag as studente op ons aangewese plek in die volksverband, heg saamgesnoer in die studentegemeenskap van ons volk, in die A.N.S. as studentefront van die groeiende volksbeweging.

* * *

Sover het ons tot vandag gevorder. Hier staan ons as Stellenbosse
(Vervolg op bls. 4, kol. 3 en 4)

STUDENTE BESOEK ADVERTENSIE-FIRMA

Verlede Woensdag, 1.1., het die handelsielkunde studente die geleentheid gehad om saam met prof. Van Rensburg 'n uiters interessante en leersame besoek aan een van die grootste advertensiefirmas in ons land, t.w. die J. Walter Thompson Mky., Bpk., te bring. Die assistent bestuurder wat so vriendelik was om aan die besoekende studente 'n baie praktiese lesing te gee oor die werksaamhede van die firma, het hulle 'n

Verskoning

Hiermee wens „Die *Matie*”-redaksie verskoning te vra vir die drukfout wat op die voorblad verskyn het. I.p.v.: „Die A.N.S.-student en sy Volk as Arbeid-Gereedskap” moet lg. gedagte lees „...Arbeidsgemeenskap.” Die fout het blykbaar by die setters ingesluip.

baie goeie insig gegee in die omvang wat die advertensiewese as beroep reeds in ons land aanneem, veral wat groothandeladvertisies betref. Baie interessante gegewens wat antwoord o.a. op die volgende vrae gee, is aan die studente verstrekt:

Hoe moet die aandag op die advertensie getrek word? Waar en hoe moet adverteer word vir die beste resultate — in die pers, bioskoop, aanplakbiljette, strooibiljette, ens.? Waar moet die advertensie in 'n tydskrif geplaas word? Wat is die beste in advertensies: foto's of sketse? en nog baie ander dergelike vrae. Ongelukkig beskou die handelsstudente die besonderhede blykbaar as „besigheidsgeheime” en kan ons dit nie publiseer nie.

Na die besoek aan genoemde firma, is 'n besoek gebring aan een van die grootste nuusbladperse waar die student kennis gemaak het met die kleinhandeladvertisie asook die publikasie van die advertensies.

As geheel was die besoek baie geslaagd.

Maties!

Maak ons u
APTEKERS en
wees verseker
van ons beste
AFRIKANER
DIENSTE.

DIE

Voortrekker-Aptek
Andringastraat, Stellenbosch

HOOFKWARTIER

: VIR :

GESONDHEID —!

VRIENDE ONTMOET MEKAAR OM 'N LEKKER KOPPIE KOFFIE
BY

DIE SUIKERBOSSIE

Pleinstraat

Stellenbosch

Kamers 501-520 Vyfde Verdieping
R. W. van Ryn
 BRILMAKER.
 Tel. 2-1944. Postbus 2657.
 Groote Kerkgebou,
 KAAPSTAD.
 Laat u brilvoorskrif deur my voorloot word. Maak u keuse uit 'n groot verskeidenheid van moderne rame. Spesiale afslag vir studente.

INSPAN!
 Waar gaan dit?
 Ons gaan Koffie en Pannekoek geniet in **DIE UITSPAN**

APTEKERS
 Ons bied u deskundige bediening en betroubare medisyne aan.
JOERNING en SEUN
 (Eiens.) Bpk.
 Hoek Bird- en Pleinstraat, STELLENBOSCH.

DIE EIKE KAFEE
 (Eienaar: G. H. van Zyl)
STUDENTE:
 Kom na die EIKE vir vars vrugte, sjokolade en tabak.
 Ons waardeer u ondersteuning en verseker u van ons beste dienste.

Die Plaza
 Foon 0013.
SILVER FLEET
 Vrydag en Saterdag,
 6 en 7 Augustus
 Matinee: Saterdag om 3 n.m.

DIE VOLKSBEWEGING IS DIE BELIGGAMING VAN DIE VOLK IN SY GESINS- EN ARBEIDS-BESTAAN!

DIE MATIE
 Alle korrespondensie aan:
 D. F. VAN DER MERWE,
 REDAKTEUR,
 Dagbreek.
 Deel III. 6 Aug. 1943. No. 18.

J. POSTMA
 Met die terugtrekking van mnr J. Postma van aktiewe deelname aan die A.N.S.-leiding, verloor die A.N.S. die laaste van die ou garde wat vanaf sy ontstaan 'n leidende aandeel geneem het in die ontwikkeling van die A.N.S.
 Mnr. Postma was vanaf 1935 sekretaris van die Hoofbestuur en is in 1941 gekies tot Leier. In die jare het hy 'n belangrike aandeel gehad in die stryd wat A.N.S.' moes voer teen NUSAS en later in die vaslegging van die meer positiewe strewe van A.N.S. vir die daarstelling van 'n staatsstelsel gegrondves op ons volkstradisies en lewenshouding.

Hierdie stelsel, waarvan die grondslae uiteengesit word in die Vryheidsmanifes van 1940, is in 1941 prakties toegepas in die A.N.S. met sy aanvaarding van die Leierskapsbeginsel. Mnr. Postma wat in daardie jaar die leierskap van A.N.S. aanvaar het, moes hierdie hervorming in A.N.S. deurvoer.
 'n Maklike taak was dit nie, temeer nog waar die volksverdelende stryd ook sy invloed in A.N.S. laat geld het. Mnr. Postma met sy besadigde en sterk leiding het egter daarin geslaag om die A.N.S. deur hierdie stormagtige jare te lei en die eenheid van die Bond te bewaar, sodat A.N.S. vandag as 'n sterk eenheidsfaktor in ons studentelewe die tweede dekade van sy bestaan kan binnegaan met 'n diepe besef van sy taak.

Onder die leiding van mnr. Postma het die A.N.S., veral met die uitbouing van die Volksbewegingsgedagte verlede jaar en die beklemtoning van die sosiale aspekte daarvan op die jongste kongres, veel bygedra tot die verwesenliking van die Rewolusie van die Twintigste Eeu in Suid-Afrika.

DIE DINAMIESE GEES
 Besielend was op die jongste A.N.S.-Kongres die woorde van daardie uitstande A.N.S.-er, dr. P. J. Meyer, wat 'n mede-stigter van die Bond in 1933 was en vanjaar soos so dikwels tevore weer aan die jaarlikse sametrekking kom deelneem het. Dr. Meyer het veral die dinamiese

GEVLEUELDE WOORDE.
 Ek glo dat... as 'n volk wil lewe, hy 'n wil tot mag moet ontwikkel, anders word hy lewendig dood, ly hy 'n treurige lewe en val hy 'n sterker volk ten buit in wie hierdie wil tot mag in hoër mate ontwikkel is.
 ...Stryd lê ten grondslag van alle dinge... deur te probeer om kalmte, vrede, rustigheid te herstel, sou mens die tendense van die huidige tydperk van dinamisme bestry. Mens moet voorberei wees vir nog stryd en vir verder verrassings.
 — Benito Mussolini.

gees geroem waardeur die A.N.S. gedra word, wat hom in staat stel om altyd diep in die volkslewe te staan en waardeur hy die oorwinning kon behaal oor die gees van negasie en voortdurende onbeweeglikheid van diegene wat net wil kritiseer en nie hul gewig in die stryd gooi om iets tot stand te bring nie.
 „Niemand is volmaak nie; niemand is 'n honderd persent-Afrikaner nie — so 'n man bestaan nie en sal nooit bestaan nie. Gooi u gewig in as vyf-persenter, en dan doen u meer as hy wat homself 'n honderd-persenter ag!

Die Oorlog
SELFOORSKATTING EN ONDERSKATTING VAN DIE VYAND
„De Waereldgeschiedenis is 't Waereldgericht, Vergelding, de wet der Historie.”
 — Ten Kate.

Gedurende die afgelope week het daar niks beslissends aan die verskillende oorlogsfronte plaasgevind nie. Aan die Russiese front, veral in die gebied van Orel, word nog altyd die swaarste geveg. Hier het die Bolsjewistiese someroffensief, wat nou reeds byna 'n maand oud is, nog niks beslissends tot stand gebring nie. In Sicielië sou die Geallieerdes, volgens die jongste berigte, tot 'n nuwe aanval oorgegaan het. In die Verre Ooste bly die Amerikaanse offensief teen 'n paar van die Salomon Eilande—gebied wat deur die Japanners op die Britte verower is—nog maar altyd 'n gesukkel. Ook die sensasionele omwenteling in Italië het tot nou toe alleen aan 'n menigte hoopvolle teorieë

Deur Prof. J. A. Wiid
 en gissings in Geallieerde kringe geboorte gegee. Op die oomblik is Italië nog oorlogvoerend. Ons sal miskien nog dae of weke moet wag voor die buitelandse implikasies van die Italiaanse omwenteling juis beoordeel kan word.

Dit is moontlik dat die jongste gebeure in Italië weereens as waarskuwing vir oorlogvoerendes sal dien om nooit hulle vyande te onderskat nie. Onderskatting van die vyand en oorskotting van eie mag is 'n flater waarvan elke oorlogvoerende moondheid hom in die huidige oorlog skuldig gemaak het. Hierdie onderskatting en oorskotting is nie tot grootpraterige propaganda beperk nie, maar die nugtere en deskundige oorlogsleiding in verskillende lande het hom daaraan skuldig gemaak. Daar was waarskynlik min Pole wat op 1 September 1939 geglo het dat hulle land binne agtien dae nie meer oorlogvoerend sou wees nie. Daar was waarskynlik min mense in Noorweë, Holland en België wat aanvang 1940 geglo het dat hulle lande, gesteun deur magtige Franse en Britse bondgenote, binne enkele dae deur Duitsland beset sou wees. Daar kan ook met sekerheid aangeneem word dat Brittanje en Frankryk in selfoorskotting die mag van die Nasionaal-sosialistiese Duitsland onderskat het toe hulle op 3 September 1939 oorlog verklaar het. Dit kan ook met sekerheid aangeneem word dat die Duitsers die mag van Rusland, Amerika die mag van Japan en Italië die mag van die Britte hopeloos onderskat het. Hierdie selfoorskotting en onderskatting van die vyand is altyd baie gevaarlik en in die loop van die huidige oorlog was dit dikwels die oorsaak van groot nederlae en die bron van veel onheil vir die eie land en volk.

Geallieerde Lugaanvalle en Ooswaartse verskuiwing van Duitse Nywerhede.
 Dit is derhalwe verkwikkend om af en toe uit die mond van Amerikaanse en Britse staatsliede 'n waarskuwing teen selfvoldoening of selfvergenoegsaamheid, d.w.s. teen selfoorskotting en onderskatting van die vyand te vernem. In 'n stryd om lewe en dood wanneer die „blink kant” altyd behou moet word en wanneer objektiewe nugterheid en defaitisme soms

„Stoot daarby hom wat 'n een-persenter is nie af nie, maar trek hom nader, want hy is 'n beter mens as die self-voldane honderd-persenter, die kritikus.
 „Terwyl die skeurders negatief bly staan, sal ons as gebrekkige A.N.S.-ers konstruktiewe werk lewer en voortbeweeg in die stryd!”

as sinonieme beskou word, is waarskyns teen selfoorskotting en onderskatting van die vyand nie maklik nie.
 Met die oog op die intensiewe Geallieerde lugaanvalle op Duitse en Italiaanse stede en die oordrewe optimistiese verwagtings wat die Geallieerde propaganda van dergelike lugaanvalle koester, is dit interessant om te vernem wat die Londense Times van 'n paar maande gelede in hierdie verband geskryf het. Volgens die blad sou daartoe 'n reorganisasie van militêre en industriële reëlins in Duitsland plaasvind. Baie vliegtuig-fabriekes in Frankryk word b.v. gesluit, en ander word opgerig in Suid-Duitsland en Sentraal-Europa. Daar is dus 'n ooswaartse verskuiwing van die nywer-

hede en arbeid. Produksie word opgeknap in die nuwere fabriekes van Slowenië, Kroasië en Hongarye. Hier reken die Duitsers op baie elektriese waterkrag en aluminium vir werke wat in moeilike landskappe versteek is. Nagenoeg 6,000,000 werklêde sou nou in Suid-Duitsland en Sentraal-Europa besig wees. Aldus die Londense Times.

Dit kan met veiligheid aangeneem word dat 'n ooswaartse verskuiwing van nywerhede en arbeid op groot skaal in Duitsland plaasgevind het en nog plaasvind. Hieruit volg dat die vroeër lewensbelangrike Wes-Duitse nywerhede nie langer lewensbelangrik is nie. Indien dit die geval is, dan kan die Britse en Amerikaanse lugaanvalle op Wes-Duitse nywerheidstede vir die oorlogvoering nie so beslissend wees as die Geallieerde oorlogberigtinge tekenne wil gee nie. Die lugaanvalle kan dus veel ongerief en ellende vir die betrokke bevolkings veroorsaak, maar op sigself kan dit geen beslissing bring nie as die oorlogsnwywerhede verskuif en buite die trefafstand van Geallieerde bomme is.

„'N GELUKWENSING”
 Van harte wens ek namens ons Bond „Die Matie” geluk met sy tweede verjaarsdag. Dat hy nou reeds twee jaar lank elke week gedurende die akademiese jaar sy verskyning maak, spreek van 'n pligsbesef en 'n verantwoordelikheid teenoor die stryd wat hy help voer, wat tipies is van die dinamiese gees van die Tweede Afrikaanse Volksbeweging.

Solank die A.N.S. hierdie gees behou en die nadruk laat val op konstruktiewe werk teenoor die doodsheid en ondergraving van volkskragte in baie kringe, solank hy ywerig is om die stormafdeling in die volkstryd te bly, sal hy sy waarde en plek in die volkslewe self aanwys en sal sy publikasies 'n frisse gees adem.
 Ek vertrou dat „Die Matie” in die nuwe jaar as mondstuk van 'n doelbewuste front in die Stellenbosse studentegemeenskap net so wakker as in die verlede met sy Bond en met sy volk sal voortbeweeg.

W. A. JOUBERT,
 Leier.
 Mnr. Hennie Marais is aangestel as sekretaris van die A.N.S.-tak, Stellenbosch, in die plek van mnr. Stephen Joubert wat hom nou meef bepaald sal toelê op die Arbeidsdiensleiding.

Wetenskap en Wysheid

G. F. S.

Die Ouderdom van die Aarde

Radium gee 'n aanduiding van die aarde se ouderdom, wat volgens dr. Arthur Holmes, uitstaande Britse outoriteit oor geologiese verskynsels, meer as 1,750 miljoen jaar is. Nadat hy die getuienis in oënskouw neem volgens die nuutste informasie, kom dr. Holmes tot die gevolgtrekking dat die ouderdom van die aarde meer as 2,000 miljoen jaar is. Ander bewyse, waarvan meeste sterrekundig is, dui aan dat die aarde nie ouer as 4,000 miljoen jaar kan wees nie. Van getuienis wat hy van baie bronne versamel het, gee dr. Holmes aan die hand dat „die aarde, die sonnestelsel, meteoriete en die melkweg almal terselfder tyd ontstaan het — sowat 2,000 miljoen jaar gelede.”

Die Honde-ster, Sirius, het 'n dowwe metgesel, wat met teleskope van magtige sterkte sigbaar is. Daar is 'n metode om die digtheid van sterre te vind. Toe hierdie metode op die metgesel van Sirius toegepas is, het dit aangetoon dat die digtheid daarvan 50,000 maal dié van water is, en dit is natuurlik aangeneem dat die metode foutief is. Sterrekundiges het toe gepoog om die bepaling van digtheid met 'n ander metode, wat op Einstein se relativiteitsteorie berus, te verkry. Die tweede metode het die hoë digtheid bevestig. Die stof, waaruit die metgesel van Sirius bestaan, is 2,000 maal so dig as platinum. Gestel ons het 'n vuurhoutjie-dosie daarvan. Dit sou 'n hyskraan nodig hê om dit op te lig — dit sou 'n ton weeg!

„Die Matie-Redaksie”

Ons wens die aandag van ons lesers daarop te vestig dat die redaksie geherorganiseer is en dat *hydraes vir die blad by die volgende persone, liefs voor 11 v.m. Woensdae ingehandig moet word:*

HOOFREDAKSIE

Hoofredakteur: David van der Merwe, Dagbreek.
Tegnieseredakteur: Piet Mans, Victoriahuis, Dorpstr.
Assistentredakteur: Hennie Marais, Dagbreek 18—10.
Nuusredakteur: Charl Colyn, p/a mev. Pienaar, v. Riebeeckst.
Sportredakteur: Jan Smith, Dagbreek.

SUBREDAKSIE

Verenigingsnuus: Gerhard Schutte, Dagbreek. Noelle Grobbelaar, Huis-de-Villiers. Bettie Gericke, Harmonie.
Sosiale-Studentenuus: Elize Dürr, Sonop. Hansie Markotter, Sonop. Liset Radloff, Sonop. Annette Brink, Sonop. Annatjie Roux, Huis-ten-Bosch. Elza Joubert, Harmonie.

A.N.S.- en Universiteitsnuus: Willem Boonzaier, Protea.

BESIGHEID EN INTEKENAARS

Boekhouer: Mnr. Lubbe, Soete Inval 8, Victoriast.
Advertensies: Sarel du Toit, p/a Pro-Ecclesia, Die Laan.
Verspreiding: Anna Lombard, Huis-de Villiers.

PLATE-PROGRAM

Sondag, 8 Augustus
8.30—9.30 n.m.

Wolfgang Amadeus Mozart
(1756—1791).

Van alle musiekkunstenaars is Mozart die veelsydigste. Uit sy pen het gevloei werke van monumentale omvang in byna al die afdelings van sy kuns, die opera, die simfonie, kamerstukke — op elke gebied pryk die naam van Mozart in 'n mindere of meerdere mate.

As mens sy kort leeftyd vergelyk met die hoeveelheid werk wat hy gelewer het, kan mens aanneem dat die kunsgeskiedenis anders sou gewees het met 'n Mozart wat die leeftyd bereik het van sy tydgenoot, Haydra.

1. Overture uit „Don Giovanni.” — Die eerste opvoering van die opera het plaasgevind op die 29ste Oktober 1787, in Praag. Die aand voor die opening het die Overture nog nie bestaan nie. Gedurende die nag het hy dit geskryf en die aand moes orkeslede die musiek van die blad af speel.

2. „Eine Kleine Nachtmusik.” — Hierdie stuk is in 1787 gekomponeer vir vyf snaarinstrumente.

3. Simfonie No. 41 in C. (Jupiter). — Die jare 1786—1791 was die hoogtepunt van sy vrugbare loopbaan. In hierdie periode het dit gelyk of sy grootste operas en simfonieë met mekaar gewedwyer het om geskep te word, asof bevrees dat die dood hul skepper sou opeis voordat hul geskep kon word. Die jaar 1788 getuig dan van die ontstaan van sy drie laaste en grootste simfonieë, No's. 39, 40 en 41, al drie binne die bestek van ses weke. Alleen die naam Jupiter is voldoende bewys van die grootheid van hierdie laaste simfonie.

D. Conradie.

Mnr. N. Rootman wat sy graad in Liggaamsopvoeding Juniemaand verwerf het, het 'n pos in Potchefstroom gekry, waar hy in 'n aantal skole aangestel is.

Met die lang naweek was heelwat Groote-Schuur mense by die voetbal opgemerk, o.a. mnr. H. Grové, en mnr. Slabbert.

Mnr. Rouzi Kamfer, oud-Matie, tans onderwyser aan die Seuns H.S. te Oudtshoorn, was op besoek in Stellenbosch.

Die verkoue-epidemie heers tans straf: Talle studente en ook dosente is hierdeur afwesig van klasse. Proff. D. Lategan (Kweekskool) en W. M. Malherbe (Regs fakulteit) is nog ongesteld.

Ons Nuwe Rubriek

„Die Matie” wil graag mnr. Fritz Stegmann, voormalige assistentredakteur, van harte terugverwelkom as medewerker op die redaksie. Mnr. Stegmann wat tans assistent-lektor is in Chemie, sal D.V. voortaan weekliks 'n rubriek lewer i.v.m. die Wetenskap.

Dames!

Alles wat u nodig het, is teen die billikste pryse en met vriendelike bediening te kry by

DIE KAROO-BAKEN-DAMESUITRUSTERS

Eienaar: H. J. A. SMIT (Baken)
Birdstraat 33, Teenoor Die Braak
STELLENBOSCH

Onder Onsies

Mnr. E. Visser, wat vroeër sy S.O.D. op Stellenbosch geloop het, en nou onderwys in Seepunt gee, is in die vakansie getroud.

Mej. Sadie Viljoen van Macdonaldhuis, derdejaar B.Com., het haar onlangs verloof aan mnr. Wahl.

Mej. Marie Wium van Drosdy, het gedurende die vakansie 'n knieoperasie in Johannesburg ondergaan.

Mej. F. Collier, wat haar H.P.O.D. hier verwerf het, en in Queenstown onderwys gegee het, is gedurende die vakansie getroud.

BASAAR!

U word herinner aan die C.S.V.-BASAAR, môre in die gebou van die C.S.V.

U ondersteuning sal baie waardeer word in hierdie onder-neming.

Mnr. Boet Louw het 'n pos in liggaamsopvoeding in Springs gekry, en het verlede week daarheen vertrek.

Mej. Helene Steyn het gedurende die vakansie 'n operasie aan haar voet ondergaan. Gedurende haar siekte was mnr. Koos Meyer 'n geleerde besoeker.

Mnr. J. Nell, wat na Pretoria Universiteit sou gaan, het besluit om dit net 'n besoek te maak, en is weer terug in ons midde.

Darters

Pleinstraat, Stellenbosch

Vir waarde in

- ★ Boeke
- ★ Skryfbehoeftes
- ★ Kunsmateriaal

Dames !!

Net

TANT MITA

Pleinstraat,

Kan julle voorsien in

- SNIT
- SMAAK
- VERSKEIDENHEID

Ondersteun

die Alombekende
Suid-Afrikaanse
MUSIEK-FIRMA.

Beroemd vir Diens en
Kwaliteit van Benodighede

R. MÜLLER

(Eiens.) Bpk.

h/v Kasteel en Burgstrate,
KAAPSTAD

en

Pleinstraat, STELLENBOSCH.

Maak Kennis met die

Nuwe Volkspele

Opgestel deur Hester Morrison
(MEV. W. VAN HUYSTEEEN)

Met Musiek en Liedjies
(grondgedigte) deur

M. L. de Villiers

Komponis van

„Die Stem van Suid-Afrika.”

Hierdie Nuwe Volkspele is met groot sukses uitgevoer by geleentheid van die onlangse Volkspesekursus te Stellenbosch en die Oos-Kaaplans kursus te Aliwal Noord.

Prys 4/3 postvry

Bestel by die uitgewers,
PRO ECCLESIA-DRUKKERY
Postbus 28, Stellenbosch
of by u Boekhandelaar.

Vir **BLAKENDE
GESONDHEID**
drink
HEERLIKE

KWV

DRUIWESAP



Onthou! K.W.V.-
Eau de Cologne is 'n
besonder aangename
en welriekende parfuum

AVBOB

116 Takke — 44,000 Lede
Reserwefonds £113,000

Hoofkantoor:

St. Johnstraat 65
BLOEMFONTEIN

Begravnisse, Kiste, Kranse, Grafstene

Rook Springbok-Sigarette

„Die Taak van die Student”

A.N.S.-Vergadering en Afskeid Van Mnr. W. R. Laubscher

Dinsdagaand het 'n besielende vergadering in die C.S.V.-saal gedien as openingsvergadering van die A.N.S.-tak alhier vir dié semester. Op kort en kragtige wyse is die nuwe grondwet van die A.N.S. en die arbeidsgedagte deur onder ander die taksleier, mnr. S. P. Botha, dr. Franzsen, dr. Language, mnr. Sadie en mnr. W. R. Laubscher behandel — die grondwet as 'n heldere vaslegging van die leierskapsbeginsel in die A.N.S.; die arbeidsgedagte as konsolidering van die Afrikaanse arbeidskrag in Afrikanerhande. Op definitiewe wyse het die A.N.S. die nasionale wortel gevestig, en nou sal die sosiale tendens ten uitvoer gebring word.

DIENS EN ARBEID

En omdat die A.N.S. nou bewustelik die sosiale beleid in die arbeidsgedagte vasgelê het, staan hy sterk in die uitvoering van die arbeidsideaal. Dit is 'n nuwe mylpaal in die geskiedenis van die A.N.S. Elkeen wat die waarde van dié konsolidering van die arbeidsgedagte begryp, wat die diens daarvan aan die Afrikanerdom begryp, moet hom kragdadig agter die A.N.S. in die stryd werp. En die A.N.S. sal almal gewilliglik ontvang as kragtige medewerkers tot 'n eind-ideaal.

A.N.S. EN STUDENTE-UNIE

Die A.N.S. glo dan in die organiese volksgedagte en samehangende daarmee glo hy in 'n organiese studente-eenheid. Sy beginsels het hy in die verlede gestel en beklemtoon en sy taak stel hy weer duidelik, nl. die konsolidering van alle volksbindende kragte op die beginsels van hy skiep. Die propagering en uitlewing van sy nasionale beginsels en kweking van 'n sosiale bewustheid is sy taak. Hierdie beginsels van die A.N.S. is die beginsels wat meeste studente voel en hierdie taak van die A.N.S. is die gemeenskaplike taak van ons Afrikaner studentedom. Waarom is daar dan talle van studente wat nie saam met die A.N.S. hierdie verantwoordelike taak aanvaar nie? Alle studente behoort die geleedere te sluit op hierdie beginselgrondslag van die A.N.S. en hierdie gemeenskaplike taak te aanvaar — binne die geleedere van die enigste suiwer Afrikaanse studentebeweging, die A.N.S. Almal is welkom om saam te masjeer onder die banier van ons Bond op die weg na vryheid!

Arbeidsdemonstrasie

(Vervolg van bls. 1, kol. 1)

daardie nuttelose leë-dag fondse vir hul Beweging in te samel, het 'n groot aantal jong Brandwagte verlede Maandag op naburige Boereplase gaan werk. Op die verkoping is die spanne uitgeveel aan die boere. So b.v. het 'n span van nege, wat die dag in Oom Boy Louw se wingerd gaan help snoei het, die som van £2-10-0 in dié fonds gestort. 'n Reusespan is per vragmotor na ander plase waar baie nuttige werk verrig is.

SLUIT AAN BY DIE A.N.S.

Sport

DAMESHOKKIE

Die Kaapse Skiereilandspan is met twee doele teen nul deur Suid-Transvaal geklop in die tussen-provinsiale hokkietoernooi wat gedurende die afgelope week in Bloemfontein gespeel is. Op die puntelys staan Suid-Transvaal eerste, die Kaapse Skiereiland tweede, Johannesburg derde, Vrystaat vierde, Noord-Transvaal vyfde, Griekwas sesde en die Pretoriaanse Garnisoen sewende.

As 'n gevolg van die mededinging van die Skiereilandspan in die toernooi is daar die semester nog geen eerstespanwedstryde gespeel nie. Verlede Saterdag het die Maties se eerste-reserwespan in 'n harde wedstryd teen die Ikeys se eerste-reserwespan met twee doele teen nul verloor, alhoewel hulle met die Intervarsitywedstryd die oorwinnaars was.

VOETBAL

In 'n wedstryd wat veel aanskoulik opgelewer het, het Oos-Kaapland na hulle nederlaag verlede Saterdag teen Wes-Kaapland daarin geslaag om die Gekombineerde Studentespan Maandag in die Paarl met 12 — 6 te klop.

Die studente was nogal ongelukkig om te verloor, as 'n mens die wedstryd in sy geheel moet beskou, want gedurende die hele eerste helfte was dit die Matie-snellers en -voorhoede wat die Oos-Kaaplanners gedurig op hulle agterpote gehad het. Tot sewe minute na rustyd het die studente dan ook gelei met die mooi voorsprong van 6 punte teen 0. Maar toe het die Sebras reggeruk en die bal eenvoudig rondgegooi sover as wat die verdediging dit wou toelaat. Hulle het min geskop en het beslis daarin geslaag om die spel vir die groot aantal toeskouers aanskoulik te maak.

DIE MATIES MÔRE TEEN KUILSRIVIER-MAITLAND

Môre trek die Maties se A-span op Coetzenburg te velde teen een van die spanne wat nog maar 'n lae plek op die puntelys beklee, maar wat nietemin nie uitgesluit is om enige skielike verrassing op te lewer nie. As Peet van der Walt môre kan speel en met Hannes de Villiers terug in die span sal die Maties seker goeie rekenskap van hulleself gee, alhoewel hulle nog nie hierdie kwartaal as 'n span saam opgetree het nie.

Delpoort het deesdae sy hakskoene aan, en ons twyfel daar geen oomblik aan nie dat die Matie-agterlyn oorgenoeg van die bal te sien sal kry nie. Wahl, wat maandag op sy stukke was in die Paarl, sal saam met V. d. Walt (indien hy speel) sorg vir die nodige afwisseling van taktiek.

In die losspel sal die Maties egter kwaai teenstand ondervind van Kellerman, Vlok en Bosman (kapt.) en in die lynstane sal Lochner en Meyer vir Munro en Niemand laat bontstaan.

Ons verwag egter as dit 'n droë dag is dat die Maties met 'n mooi oorwinning voor die dag sal kom.

Die B-span speel op Bellville teen die tuisspan. Verlede kwartaal teen die einde het die B-span sommer uithalervoetbal gespeel, maar wat hul speelkrag op die oomblik is, is nog onduidelik. Dit sal in elk geval 'n harde wedstryd van begin tot einde wees, waarin Bellville miskien net te goed vir die Maties sal wees.

Na Twee Jaar : 'n Terugblik.

(Vervolg van bls. 1, kol. 2 en 3)

studente van die volksbeweging, saamgesnoer om die grootste Idee. Ons weet wat ons wil, ons sal veg tot ons finaal verower het. Ons voel 'n verantwoordelikheid teenoor ons volk, ons wil wakker en vol daadkrag bly. En nou, julle vriende van ons wat nie A.N.S.sers is nie, hoe het julle gevorder, en waar staan julle vandag? Dié vraag stel ons aan julle weer nes 'n jaar gelede. Ons ken net die „voorwaarts marsjeer,” en wat ons weg versper, daaroor beweeg ons heen, en wat ons pligsgetrou moet verwerf, daaroor veg ons, dit eis ons. Daarom vra ons weer: waar staan julle nie-A.N.S.sers van Stellenbosch? Op watter beginsels is ons dan verkeerd? Julle is tog trotse Afrikaners — en wil julle as studente dan buite alle funksionele verband met jul volk staan, vriende, en dit in hierdie tye?

Vriende, volksgenote, 'n antwoord op so 'n elementêre vraag mag julle ons nie skuldig bly nie! Waar staan julle, nie-A.N.S.sers, julle wat skynbaar nie vir ons is nie; is julle téén ons, en waarom dan, OF WAT IS JULLE?

„DIE GEDISSCIPLINEERDE AFRIKANERDOM” KOM NA STELLENBOSCH

Dié O.B.-rolprent word binnekort op Stellenbosch vertoon en ons kan dit nie sterk genoeg aanbeveel nie. In hierdie rolprent sien ons nie in wit en swart nie, maar wel in kleure wat die O.B. reeds presteer het.

Die tegniese afwerking is onverbetterlik en as daar een saak is wat beklemtoon word dan is dit Afrikanerbelange.

Die hoogtepunte is o.a. die inswering van dr. J. F. J. v. Rensburg as K.G. en as Ere-President van die A.N.S., die loslating van ons moderne volksheldin Elsabe Nel; die begrafnis van Gen. Manie Maritz, en tonele van die Afrikaner-eiendom, Majuba.

Niemand wat die rolprent gesien het kan dit ooit vergeet nie. Die offisiële kommentator by die rolprent is Chappies Lombard van berg-aksie faam!

* * *

Tydens die afgelope vakansie is Andries Roux dikwels gesien in die Uniale O.B.-kantoor in Johannesburg. Hy was behulpsaam by Roaf — dié rolprentafdeling van die Ossewabrandwag — i.v.m. die rangskikking van musiek vir die rolprent. Verder het hy samesprekings gevoer met mnr. Kammeyer i.s. die propaganda-afdeling.

Bakterië wys olie aan

Hoe koolwaterstof-etende bakterië gebruik kan word wanneer na olie gesoek word, het nou aan die lig gekom deur 'n patent, wat aan Millard Taggart van Texas toegeken is.

Die bakterië wat gebruik word, floreer op koolwaterstof wat in die grond wat olielae bedek, gevind word. Wanneer die nuwe metode by die prospekteer toegepas word, word monsters gewone bousand ingeënt. Die ingeente monsters sand word op afstande van mekaar in die streek waar na olie gesoek sal word, begrawe en bly daar 10 tot 14 dae lank lê. Dan word hulle weer uitgehaal en ondersoek of hulle koolwaterstof-en bakterië-gehalte vermeerder het. Die uitvinder sê dat alle abnormale toename in bakterië op die aanwesigheid van olielae onder die plekke waar die monsters begrawe was, dui.

Hoe Groot is 'n Mens?

Dit is algemeen bekend dat die mens in verhouding met die sonnestelsel maar 'n baie nietige kreatuur is. Dit sal hom egter meer selfvertroue gee as hy bedenk dat daar maar 'n paar honderd wesens in die wêreld is, wat groter is as hy, terwyl daar ongeveer 1,500,000 soorte bestaan wat kleiner as hy is.

Dr. Crossley in „Science” verklaar dat as 'n mens één volwasse eksemplaar van alle lewende wesens in die wêreld, wat deur wetenskaplikes beskryf is, van die walvis af, sou neem en hulle gemiddelde lengte sou neem, sou hierdie gemiddelde skepsel nie groter wees as 'n vlieg nie.

In dié lig beskou dus neem die mens ten opsigte van sy grootte, nie so 'n minderwaardige posisie in nie.

Ondersteun Ons Adverteerders

Het U al 'n Eksemplaar van:

Dr. E. C. Pienaar se Boek: „Die Triomf van Afrikaans” 10/6 Die volgende Voorgeskrewe Boeke is nou weer in Voorraad:

R. S. SAYERS—Modern Banking
P. H. DOUGLAS—Controlling Depressions.
DAY—Economic Developments in Europe.
CROWTHER—An Outline of Money

R. W. LEE — Introduction to Roman Dutch La.w
DAVIDGE & HUTCHINSON — Technical Electricity.
KENNEY—Mathematics of Statistics.

C.S.V.-BOEKHANDEL

PLEINSTRAAT :: STELLENBOSCH

SPESIAAL AAN DAMES---Slegs nog vir 2 dae---Vrydag en Saterdag

De Wets bied aan 'n groot verskeidenheid Damesskoene

Ook 150 DEFTIGE DAMESROKKE

TEEN VOOROORLOGSE PRYSE. DIE VERSKEIDENHEID BESTAAN UIT 350 pare Deftige, Modiense Skoene - teen 15/- per paar.

TEEN HALF PRYS.

MOENIE DIE KANS LAAT VERBY GAAN NIE.

GEBROEDERS DE WET (Eienaars) Bpk.